

事多可虞請並一二日內督令發送凡官之有父母者或以觀親或以親病呈辭歸省自有程式而頃日長興庫直長南嶸敢籍省母圖得公差偃然呈疏其無識泛濫甚矣請命罷職政院非不知此疏之猥濫而無端捧入亦為非矣請色承旨推考

荅曰允陞資憲不妨不允南嶸上疏非大段事不須罷推不允○辛未○巳時太白見於午地夜一更東方有氣如火四更流星出柳星上入軫星下狀如鉢尾長三四尺許色赤五更月犯左角星○憲府啓曰臣等將李守一賞加改正事論列已盡而俞音尚闕臣等竊感馬夫資憲之階乃正卿之列而命德之器也安可以一時分寸之効輕易授之以辱名器乎守一之治不過平平考其實狀猶夫人也試觀諸道御史之書

啓守令中表表治績不下於守一者亦多而其褒嘉之寵未有若是之隆揆諸賞典不其僭乎此物情之所以驚駭而臣等之必欲改正者也請加三思亟賜一俞凡官之有父母者或以觀親或以病親呈辭歸省自有程式而頃日長興庫直長南嶸